

龍巖州志卷之六

武備志

脩文講武王政常經故兵可百年不用不可一日不備也巖僻處東南界在漳泉延汀之間山林伏莽蠱肆寇掠烽煙告警者屢矣幸際

聖朝威靈遠播海寓奠安猶且巖設守備營汛星羅臂指相連以時訓練膺干城之任者其亦加意戒行無忘封守哉志武備

寨軍

唐時龍巖兵制無可攷宋設福建路鈐司官於漳州統廂兵在城及附州各營有都監指揮等官其在各寨者以巡檢統

龍巖州志

卷六

武備志

一

之龍巖設虎嶺寨軍以一百五十人爲額巡檢一員統之寨在西門外各軍月給糧餉冬夏給衣服淳熙間添設南嶺寨軍以八十人爲額設土官一員統之寨在山川壇後各軍衣糧如虎嶺寨大池寨軍以八十人爲額設土官一員統之衣糧如南嶺寨淳祐五年本路提刑楊棟申請乞於大池增置一寨以防鹽寇知州事方來招募以充其額寨俱在龍門里界汀漳之間

衛所

元制無攷明洪武三年設漳州衛置指揮使司一員其屬爲鎮撫爲經歷爲知事爲千戶所者五中左右前後各統鎮撫

及百戶原額官軍五千員名二十一年設鎮海衛於漳浦以備倭置指揮使司其所屬及原額官軍一如漳州衛之制洪武五年輪撥漳州衛官守禦龍巖宣德間罷正統間平寇因留指揮朱福鎮守尋調回撥中所官軍戍巖成化七年山寇竊發調鎮海衛後千戶所官軍守禦與縣同城九年改隸漳州衛曰守禦中中千戶所原額官軍一千二百有奇萬歷末止見在旗軍三百二十一名

所署

洪武五年始設守禦館於縣東輪撥漳州衛官守禦宣德間罷正統間撥中所官軍戍巖營寓於縣治西北成化七年調

鎮海衛後千戶所戍此八年知縣韋濟拓舊城置營建所署尋圯正德丁丑指揮楊拱辰重建有公廳有燕堂有百戶廳有鎮撫司有軍器局有旗纛廟後俱廢其址在所內坊

戎伍

初調所時屯所軍名夫攷今據王志所載殆隆萬間之軍額也

第一所轄甲軍紀錄

二所四十名

三所二十名

四所四十名

五所二十四名

六所三十四名

七所三十七名

八所二十九名

九所三十三名

十所二十六名

軍器

歲造明盔一十六頂 斬馬刀四把 響甲一十六副腰  
刀一十六把 角弓一十六張 鐵箭四百十枝 弓袋一  
十六箇 長牌八面 明弦三十二條 箭袋一十六箇  
屯田  
明初原額屯田失攷隆慶間僅存二十二頃一十六畝九分  
零萬曆七年丈量二千八百八十畝八分零

國初知縣王有容清查溢出田七百八十三畝三分零前志此項未詳

載 共田三千六百六十四畝一分七釐六毫壹絲  
屯戶一百一十二名

按明初於各衛所分軍以立屯堡俾其且耕且守猶古寓

兵於農意也迨後軍戶逃亡屯田荒蕪軍丁賠累轉售於  
民於是有軍屯民屯之分而科糧亦異茲循前志並攷王  
志額數之可稽者如此其丁賦銀米附詳田賦志

民壯

洪武初簡民間武勇編爲隊伍以時操練有事則從征戰無  
事復還爲民號民兵景泰中號機兵天順中令召募民壯官  
給鞍馬器械免其本戶丁糧宏治中令民年二十以上五十  
以下者充之州縣七百里者里二人五百里者里三人三百  
里者里四人一百里以上者里五人編五十人爲一隊隊設  
總甲一名小甲二名分管里甲丁糧均派給其工食遇警應

調則官給行糧禁有司不得私役龍巖原編民壯二百名漳平縣編民壯一百三十六名正德後其法漸廢行糧增減不一行糧工食取之田賦役者雇值皆官給隆慶間分寧洋縣龍巖減編民壯一百六十五名寧洋縣合分割永安大田之地編民壯一百名萬曆後日就裁減

國朝定制各州縣編民壯五十名以供差遣雍正十三年續奉裁減今龍巖州及漳平寧洋二縣各編民壯二十名州同編民壯四名

### 弓兵

巡司弓兵始於明初倣宋元巡檢之設郡縣要害地各置巡

檢司一員簡民間壯兵爲弓兵應役者復其家龍巖鴈石東西洋各置巡檢司一漳平置歸化巡檢司各兵六十名宏治中以田賦定差役民間雇值倍之嘉靖季閩中被倭當事者以弓兵多逃減其數徵雇值贏餘充餉隆慶初分寧洋縣東西洋巡檢司裁

國朝康熙二年漳平歸化巡檢司裁弓兵並裁今只存龍巖州鴈石司巡檢弓兵六名巡查汛地

論曰明世所軍驕惰不得守禦力縣令巡司所藉以調遣者惟此寥寥民壯弓兵耳嘉靖隆萬間復又裁減宜乎一遇寇警卽束手無策我

朝定鼎易以營兵防守分將管轄操練以時兵容振矣豈徒藉民壯弓兵力哉其隨時裁減誠是也

保甲

明嘉靖中軍門朱紉立十家甲法給事中袁世榮復奏令海濱郡縣擇佐貳巡捕官給劄團練各鄉擇才幹一人為團長糾壯勇肄習武藝有警聽調自戰其地後龍巖及漳平寧洋民多自置團操演立堡以衛每遇寇賊竊發知縣調鄉兵剿捕頗為得力

龍巖州

在坊凡六保

龍巖州志

卷六

武備志

五

州前 所內 武安 龍津 虎嶺 平在

附郭社凡四保

東山 西山 陳陂 平林

里社凡一十七保

湖邦 小池 大池 江山分內 黃坑俱龍門里 適中分上下

三坪 馬坑 東蕭 白巖 鐵石洋俱表里 鴈石 山前俱

惠里 蘇坂 福村俱外里 塗潭 橫坑

西坑俱內里

漳平縣

縣坊一保

小菁

附郭社凡五保

桂林 和坪 九鵬 丁坂 華寮俱居里

里社凡二十二保

長營 溪南 南坑 久明 象湖 長塔 烏塗 竹柄

小潭俱感里 西埔 武樓 龜池 安仁 石馬 盧溪

睦里和 留田 呂邦 李庄 留柄 田尾 磴頭 朗車

俱永里福

寧洋縣

縣城內外凡四保

龍巖州志

卷六

武備志

六

東門謝田 西門後孟 南門東洋 北門赤洋埔

里社凡六保

徐溪 孔黨 香寮 大坑俱集里 長安聚寧里 蚌口永寧里

論曰明季兵勢單弱奸民覬覦易生故團練鄉兵不可少然其衣糧器械耗費不貲皆出自民間不堪命矣今行十家保甲法以稽察非常乃為防患未然之要道各州縣節比鱗次相率奉行則奸宄自無托足耕田鑿井之民疇不熙熙皞皞共樂

太平哉

國朝營制

順治四年初設漳州駐防官兵有總兵官有副將迭更不一  
十一年設中路總兵官漳州城守副將各轄中左右三營龍  
巖及漳平寧洋皆其右營將弁防守康熙二十二年裁中路  
總兵官及三營只留城守副將三營二十七年爲酌定通省  
營制等事裁城守營副將改爲漳州鎮轄中左右三營以協  
標左營爲城守營遊擊鎮標右營遊擊駐防龍巖右營千總  
駐防寧洋縣城守營千總駐防漳平縣外千總一員把總四  
員分防各汛額設馬步戰守兵共一千名五十年土寇陳五  
顯嘯聚改撥城守營守備駐防漳平原設千總一員分防永  
福里

乾隆二十年改爲龍巖營經制額設遊擊一員駐防州城中  
軍守備一員駐防漳平縣城左右哨千總二員分防龍巖州  
林田關把總四員內駐防寧洋縣一員分防溪口林田茶林  
孟等汛三員額設馬步戰守兵七百二十二名內馬戰兵六  
十五名步戰兵二百五十八名守兵三百九十九名四十八  
年增步戰兵一百五十名內抽撥臺灣北路左營添防步戰  
兵八名實一百四十二名五十五年撥赴臺灣城守左軍換  
班馬兵一十名收回步戰兵一十名嘉慶十三年抽撥臺灣  
北路艋舺營添防步戰兵六名守兵九名二十年續奉裁減  
馬兵一十一名增步戰兵三名守兵八名現在馬兵除裁撥

後存四十四名內外委六名額外四名步戰兵四百零七名  
守兵三百九十八名通共馬步戰守兵八百四十九名各官  
自備坐馬二十二匹馬戰兵官給馬四十四匹盔甲器械俱  
官給官兵俸薪馬乾糧餉各有定額每營千總分左右兩哨  
把總分兩哨四司屬本營遊擊守備統轄守備屬遊擊統轄  
遊擊屬漳州鎮總兵官統轄又千把總以下各有頭目帶領  
分撥差操每十人爲一隊小旗一桿隊長一人每五隊大旗  
一桿管隊一人每十隊大旗二桿百總一人俱就各隊擇技  
勇歷練者充之

營署

國初龍巖防將始於王信署在所署後街相傳爲石司徒住房  
其原委無可攷但歷來爲本營遊擊駐劄衙門東西爲轅門  
中爲照牆兩傍有鼓亭有石獅進而爲大門左有旗令號廳  
右有軍器局官廳土地祠又進而爲儀門門外左有箭亭箭  
道并輔屋右有寅賓館及書房又進而爲大堂有東西廳左  
右廂房又進而爲二堂亦有東西廳左右廂房其後另有望  
師樓一座至城根下止規制咸備其中軍守備有行署在所  
內溝尾弁兵營房在遊擊署前西偏

漳平縣駐防守備康熙五十年添設其署卽千總舊署改建頭  
門四間二門三間大堂一座左右房二間左右房科各三間



內衙一座左右房二間在縣南門內分防永福里千總亦於是年改設建署大門三間前堂一座并房共三間後廳并房共三間左右營房各九間在永福里留田社

寧洋縣防守弁兵舊借民房以居康熙二十三年署縣李文然奉有兵住民房清還原主之檄遵查還主弁兵未得駐所二十七年知縣沈荃捐俸付里民曹光伯等董建弁署於城隍廟前又於官地共建營房二十三間

防汛專城爲駐防各汛地爲分防其分防各千把總官及馬步戰守兵馬匹每年依次輪換多寡不一今祇就現在額設者載焉

龍巖州城駐防

龍巖州志

卷六

武備志

九

鎮標龍巖營遊擊一員千總一員額外二名馬戰兵二十二名步戰兵一百四十名守兵七十三名各官自備坐馬八匹兵丁官給馬二十七匹

撥防鴈石塘汛 外委把總一員步戰兵五名守兵四名

撥防山望嶺塘 步戰兵三名守兵二名

撥防汶水溪塘 步戰兵三名守兵二名

撥防下老塘 步戰兵三名守兵一名

撥防平林塘 步戰兵三名守兵二名

撥防采眉嶺塘 守兵三名

撥防大池汛以下至十八年增設外委把總一員步戰兵十

名守兵十名

撥防小池塘 步戰兵三名守兵二名

撥防龍門汛 額外一名步戰兵四名守兵四名

撥防船巷塘 步戰兵二名守兵三名

撥防王庄塘 步戰兵二名守兵三名

撥防上家邦塘 步戰兵二名守兵三名

以上撥防俱屬隨防州城千總兼轄

分防林田關塘汛

龍巖營千總一員馬戰兵四名步戰兵二十名守兵二十二名官自備坐馬二匹兵丁官給馬五匹

龍巖州志

卷六

武備志

十

撥防九車溪塘 步戰兵二名守兵三名

撥防前林塘汛 外委千總一員步戰兵五名守兵十三名

撥防孟頭塘 步戰兵二名守兵三名

撥防馬坑塘 步戰兵二名守兵三名

撥防大灣塘 步戰兵二名守兵三名

撥防博平嶺塘 步戰兵二名守兵三名

撥防三井塘 乾隆四十年增設 守兵五名

以上撥防林田關汛千總兼轄

分防溪口塘汛

龍巖營把總一員步戰兵五名守兵二十名官自備坐馬二

匹兵丁官給馬一匹

撥防白沙塘汛 外委千總一員步戰兵三名守兵九名

白沙在平寧之交盜賊出沒康熙五十一年建營房分防  
撥把總一員目兵四十名雍正十年龍巖縣丞移駐溪口  
因移白沙把總分防溪口乾隆元年添建弁兵衙署營房  
各一所州同楊縉領帑承造

撥防小吉塘 步戰兵一名守兵二名

以上撥防溪口汛把總兼轄

以上駐防州城及分防各汛共馬步戰守兵四百五十五名  
各官自備坐馬十二匹兵丁官給馬三十三匹

漳平縣城駐防

龍巖營中軍守備一員額外一名馬戰兵七名步戰兵六十  
名守兵五十一名官自備坐馬四匹兵丁官給馬八匹

撥防華口塘 步戰兵三名守兵二名

撥防羅溪口塘 步戰兵一名守兵二名

撥防鹽場塘 步戰兵三名守兵二名

撥防新橋塘 步戰兵四名守兵三名

撥防京口塘 步戰兵三名守兵二名

撥防長安塘 步戰兵二名守兵三名

撥防小溪塘 步戰兵二名守兵三名

撥防舅姑嶺塘 步戰兵二名守兵三名

撥防打石坑塘 守兵五名

以上駐防漳平縣城及撥防各塘汛馬步戰守兵共一百六十四名官自備坐馬四匹兵丁官給馬八匹

分防永福里塘汛

龍巖營把總一員外委把總一員步戰兵二十五名守兵二十六名官自備坐馬二匹兵丁官給馬一匹

撥防馬崎林塘 步戰兵二名守兵三名

撥防石門隔塘 步戰兵二名守兵三名

撥防三重嶺塘 步戰兵一名守兵四名

龍巖州志

卷六

武備志

十二

以上分防永福里塘汛馬步戰守兵共六十七名官自備坐馬二匹兵丁官給馬一匹

分防茶林孟塘汛 該汛原無兼轄小汛

龍巖營把總一員步戰兵十四名守兵二十名官自備坐馬二匹

以上漳平永福茶林孟等塘汛三共馬步戰守兵二百六十五名各官自備坐馬共八匹兵丁官給馬共九匹

寧洋縣城駐防

龍巖營把總一員馬戰兵一名步戰兵三十名守兵二十九名官自備坐馬二匹兵丁官給馬一匹

撥防馬山塘 步戰兵三名守兵二名

撥防坑源塘 步戰兵三名守兵二名

撥防山谷塘 步戰兵三名守兵二名

撥防十一湖塘 橫即隘鳥 步戰兵三名守兵二名

撥防公館塘汛 外委把總一員步戰兵四名守兵八名

撥防大窰塘 步戰兵二名守兵三名

撥防小溪塘 在縣西一百五十里通連城與本州及漳平接壤 步戰兵二名守兵三

名

撥防賜福亭塘 在縣城南一百四十里城口隘之交與大田永安接壤舊為盜賊出沒處 步戰兵

二名守兵三名

撥防城口塘 通大田 步戰兵二名守兵三名

撥防曳船塘 步戰兵二名守兵三名

撥防外利溪塘 步戰兵二名守兵三名

撥防內利溪塘 步戰兵一名守兵四名

以上俱屬駐防縣城把總兼轄共馬步戰守兵一百二十

八名官自備坐馬二匹兵丁官給馬一匹

軍器

鐵盔甲七百八十一頂副 弓箭二百四十四副鳥鎗四

百七十一桿 籐牌五十二面 腰脾刀八百十九口 子

母炮十位 大纛旗十七副

教場

龍巖州教場在永寧門外偏北里許中建演武廳內屋三楹左  
築將臺右有馬道弁兵操練考試武童騎射咸在於此馬道  
外有公館一座知州張廷球建為學使考武退息地

漳平縣教場在城西門外

寧洋縣教場在寧濟橋右

塘遞

平林塘

孟頭塘

馬坑塘

蘇坂塘  
以上俱龍巖州地

公館塘

十一湖塘

龍巖州志

卷六

武備志

十四

山谷塘

馬山塘  
以上俱寧洋縣地與永安縣交界

華口塘

羅溪口塘

鹽場塘

茶林塘  
以上俱漳平縣地

以上各塘專司遞送公文盤詰姦宄等事

關隘

龍巖州

林田堡

在南靖之交萬曆中置公館一年知縣王鄧容錫以寇盜充斥建堡防守順治十一年知縣王鄧容錫以

鴈石關

城東北三十里為鴈石嶺今與嶺對峙中為關舊有鴈石司巡檢駐此今巡檢移駐適中驛

適中驛

在州南六十里明嘉靖間置正十年鴈石司巡檢移駐於此

虎嶺寨

在州西門外廢有巡司署久廢

倒嶺隘 舊距城守南八十里所宋盤文曲丞峻相絕通南靖於平此

緣嶺隘 知在州南有七十里爲汀漳舊閩置北交界順治十年

皞林嶺隘 石與巡檢司對峙守舊有鴈

水槽隘 原設禦鄉 黃坑隘

東坑隘 蕭坑隘

九曲嶺隘 三峯嶺隘

廖天山隘 在萬安里接界連

漳平縣

三峯隘 華口隘

安井隘 赤坑口隘 東居仁里在縣

龍巖州志 卷六 武備志 十五

浮竹洞隘 在縣此最 白泉隘

禾頭隘 北和上睦里在縣 長塔隘

卓安隘 南坑村隘

石錐嶺 東以感上化俱在縣 朝天嶺隘

雲洞口隘 下馬坑隘

香樹嶺隘 南以上福俱在縣

歸化鎮 嘉在縣南移七十里折溪武口康熙二年司於此

寧洋縣

馬家山堡 蕭在縣北平路之通康熙二治一年鄭知縣據李文爲然建堡縣

烏橫嶺隘 數在縣南間集知縣蕭通亮漳度平地爲寇盜於此沒之

永鎮隘 在東處郭今廢行 隘

黎嘴嶺隘 連路 隘

大吳地隘 連路 隘

鄒家山隘 本路 隘

城口隘 知在縣魏文瑞十嘗議築大堡於此今嘉靖末漳橋

黃管洋隘

龍巖州志卷之六終

龍巖州志

卷六

武備志

十六